

BUSINESS Info Newsletter

MART 2019 // BROJ 72

U ovom broju, između ostalog, čitajte:

- UPFBiH je ključni partner Vladi FBiH i međunarodnoj zajednici za provedbu ekonomskih reformi
- Sastanak poslodavaca sa šefom Delegacije EU u BiH
- Predsjedavajući ZD PFBiH podržao inicijative UPFBiH
- Vladi i Parlamentu FBiH upućene inicijative i tekstovi 24 zakona kako bi se kroz poboljšao poslovni ambijent
- Primjena člana 5. Uredbe o postupku prijema u radni odnos u javnom sektoru u FBiH stvorit će velike probleme javnim preduzećima



UPFBiH je ključni partner Vladi FBiH i međunarodnoj zajednici za provedbu ekonomskih reformi



Udruženje poslodavaca Federacije Bosne i Hercegovine će svoje cjelokupne aktivnosti u 2019. godini fokusirati na rasterećenje privrede, prvenstveno kroz smanjenje opterećenja cijene rada, smanjenje

parafiskalnih nameta i unapređenje poslovnog ambijenta koji će omogućiti stabilno poslovanje članica UPFBiH, razvoj i punu zaposlenost, rečeno je danas na redovnoj, godišnjoj Skupštini Udruženja poslodavaca FBiH.

Obraćajući se članovima Skupštine Udruženja poslodavaca FBiH ambasador Lars-Gunnar Wigemark, šef Delegacije Europske unije i specijalni predstavnik Europske unije u Bosni i Hercegovini, naglasio je značaj aktivnosti UPFBiH u reformskom procesu, kojeg je inicirala EU u BiH.

„Bosna i Hercegovina preduzela je neke važne korake kao što je podnošenje aplikacije

za člastvo u Europsku uniju i sada se čeka mišljenje Europske komisije koje će sadžavati konkretnе preporuke. Međutim ne treba čekati mišljenje da bi se krenulo sa radom. Određenih pomaka



ima kao što je stabilnost budžeta, zabilježen je rast izvoza, povećana produktivnost, ali potrebno je još puno toga uraditi kako bi se olakšalo poslodavcima. Ključni koraci koji se moraju preduzeti odnose se prvenstveno na smanjenje parafiskalnih nameta, reformu obrazovanja koje trenutno ne prati potrebe tržišta rada, restrukturiranje preduzeća u državnom vlasništvu, unaprijeđenje investicione klime, te borba protiv korupcije. Moramo se posebno fokusirat na zapošljavanje mladih i pružanju podrške za razvoj start-upa", kazao je Wigemark.



Premijer Federacije Bosne i Hercegovine Fadil Novalić istaknuo je da je UPFBiH ključni partner Vladi FBiH u provedbi ekonomskih reformi koje za cilj imaju poboljšanje

poslovnog ambijenta u FBiH.

„U prethodnom periodu posvetili smo punu pažnju problemima poslodavaca, ali nismo bili u stanju sve ih riješiti. Uspjeli smo srediti radno-pravno zakonodavstvo koje je sada znatno liberalnije, penzijski sistem je stabilan i spremni smo da tu stabilnost iskoristimo za rješavanje drugih problema kao što je smanjenje opterećenja na rad. Također, parafiskalni nameti nisu smanjeni ali će se raditi na traženju rješenja", naglasio je Novalić.

Članovi Skupštine UPFBiH usvojili su Izvještaj o radu za 2018. i Plan rada UPFBiH za 2019. godinu, sa čijom je realizacijom Udruženje već počelo.

„Protekla 2018. godina bila je najuspješnija godina od osnivanja Udruženja poslodavaca FBiH, kako u finansijskom, tako i u organizacijskom smislu, ali i prema poduzetim aktivnostima i



realiziranim ciljevima. U ovoj, 2019. intenzivirat ćemo napore kako bismo zajedno sa socijalnim partnerima napravili ključne korake u rasterećenju privrede i poboljšanju poslovnog ambijenta. Upravni odbor UPFBiH je usvojio zaključak nakon kojega smo



uputili zahtjev Vladi FBiH za održavanja posebne tematske sjednice Vlade FBiH sa UPFBiH, kao i Parlamentu FBiH za održavanje tematske zajedničke sjednice oba doma Parlamenta FBiH i UPFBiH. Na tim

tematskim sjednicama bi se razmatrale inicijative Udruženja, a koje za cilj imaju rasterećenje privrede i poboljšanje poslovnog ambijenta", istaknuo je predsjednik UPFBiH Adnan Smailbegović.

Usvojenim Planom rada UPFBiH za 2019. UPFBiH će raditi i na suzbijanju sive ekonomije, pojednostavljivanju administrativnih procedura, ravnopravnom



tretmanu privatnog/realnog sektora u odnosu na javni, jačanju socijalnog dijaloga, intenziviranju rada sa Vladom FBiH u cilju postizanja adekvatnog poslovnog ambijenta, kolektivnom pregovaranju sa sindikatom, jačanju imidža, materijalnih, kadrovskih i

organizacionih kapaciteta Udruženja.

„UPFBiH je u 2018. godini značajno ojačalo, kroz formiranje i nastavak rada kantonalnih grupacija poslodavaca, a ove godine ćemo intenzivirati napore za formiranje grupacija u preostalim kantonima, kao i finaliziranje formiranja svih grupacija po osnovu djelatnosti ", kazao je direktor UPFBiH Mladen Pandurević.



Članovi Skupštine usvojili su jednoglasno Izvještaj o radu UPFBiH za 2018, Finansijski izvještaj za 2018, Finansijski plan za 2019, kao i Izvještaj o radu Ekonomsko-socijalnog vijeća FBiH.

Predsjednik FBiH Marinko Čavara i potpredsjednica FBiH Melika Mahmutbegović uputili su čestitke Udruženju poslodavaca FBiH povodom redovne Skupštine UPFBiH, održane 27. marta 2019. godine, te zahvalili na doprinosu razvoja ekonomije i većim mogućnostima zapošljavanja u Federaciji Bosne i Hercegovine.

Čestitke možete pročitati [OVDJE](#).

Predstavnici UPFiB i šef Delegacije EU u BiH održali sastanak

Predstavnici Udruženja poslodavaca FBiH, na čelu sa predsjednikom Adnanom Smailbegovićem i direktorom Mladenom Pandurevićem, održali su 26. marta 2019. godine sastanak sa šefom Delegacije EU u BiH i specijalnim predstavnikom EU u BiH ambasadorom Larsom-Gunnarom Wigemarkom.

Sastanku su prisustvovali i direktorica GS-TMT-a Snježana Koprunic, direktorica „Mlin Ustikolina“ Šejla Bojadžija, vlasnik kompanije „Planet“ Krasnodar Petrović, direktor „Minex trade“ Ibrahim Meškić, predsjednik Udruženja poslodavaca Brčko Distrikta Ševal Suljkanović, predstavnici Asocijacije poslodavaca Hercegovine Damir Vidačak i Jakov Sopta, kao i predstavnik Privredne komore Švedske i Norveške Slobodan Nešković i profesor Vjekoslav Domljan.

Predstavnici Udruženja, s ciljem sprovođenja suštinskih reformi u pravcu poboljšanja ambijenta za rad, ali i život u BiH, upoznali su šefa Delegacije sa zakonskim prijedlozima i inicijativama koje je Udruženje uputilo Vladi i Parlamentu FBiH.

Wigemark je podržao inicijative i aktivnosti koje Udruženje sprovodi u pravcu kreiranja povoljnijeg poslovnog ambijenta i uvjeta za bolji život u BiH, te je naglašena aktivnija saradnja ove dvije organizacije.

Predsjedavajući ZD PFBiH podržao inicijative Udruženja poslodavaca FBiH



Predsjedavajući
Zastupničkog doma
PFBiH Elvir Karajbić
sastao se 12. marta
2019. godine sa
predstavnicima
Udruženja
poslodavaca FBiH na
čelu sa direktorom
Mladenom

Pandurevićem i predsjednikom Adnanom Smailbegovićem.

Na sastanku je naglašena dobra saradnja sa Parlamentom i Vladom Federacije BiH u prethodnom periodu te razgovarano o setu zakona, tačnije 24 teksta zakona i šest podzakonskih akata, koje je pripremilo Udruženje poslodavaca FBiH i već ranije uputilo zakonodavnom tijelu Federacije. Predsjedavajući Karajbić je ovom prilikom istakao da će se ovi zakoni u narednom periodu naći na dnevnom redu ovoga Doma.

Tokom sastanka je također bilo govora i o održavanju zajedničke tematske sjednice oba doma federalnog Parlamenta i Udruženja poslodavaca Federacije BiH na kojoj bi se razmatrali ovi zakoni i akti, a koje se, pored ostalog, odnose i na direktno uključivanje socijalnih partnera u izradu zakonskih prijedloga.

Predsjedavajući Karajbić je pozdravio inicijativu održavanja tematske sjednice, kao i učestvovanje predstavnika sindikata i Udruženja poslodavaca kroz parlamentarna radna tijela, te iskazao apsolutnu podršku u pronalasku rješenja koji bi poboljšali poslovni ambijent od kojeg bi koristi imali i radnici i poslodavci, a u cilju rasterećenja privrede kroz parafiskalne namete te uklanjanja prepreka za brži rast i razvoj.

Radni sastanak sa predstavnicima kantonalnih i udruženja poslodavaca prema djelatnostima

Udruženje poslodavaca FBiH održalo je 12. marta 2019. godine u Zenici radni sastanak predstavnika grupacija poslodavaca organiziranih na teritorijalnom principu po kantonima, kao i grupacija poslodavaca organiziranih prema djelatnostima.

Na sastanku su definirane ključne aktivnosti i načini djelovanja UPFBiH prema predstavnicima novoizabrane izvršne i zakonodavne vlasti, kako bi se donijele odluke i zakonska rješenja na različitim nivoima vlasti koje će u konačnici rasteretiti privredu i poboljšati poslovni ambijent.

Rješenja koja će poslodavci ponuditi predstavnicima izvršne i zakonodavne vlasti na različitim nivoima vlasti u konačnici bi trebala olakšati poslovanje privrednim subjektima, potaknuti snažnije investiranje u infrastrukturu i realni sektor u BiH, ulaganje u nove tehnologije, zadržavanje kvalitetnih kadrova u BiH te smanjenju sive ekonomije.

Na sastanku je naglašeno da poslodavci žele konstruktivno djelovati i kroz dijalog kompromisno doći do rješenja od koji će koristi imati poslodavci, radnici, ali i država.

Praksa održavanja sastanaka, s ciljem bolje koordinacije, predstavnika grupacija poslodavaca organiziranih na teritorijalnom principu po kantonima, kao i grupacija poslodavaca organiziranih prema djelatnostima održavat će se svaka dva mjeseca, u različitim gradovima Federacije BiH.

Vladi i Parlamentu FBiH upućene inicijative i tekstovi 24 zakona kako bi se kroz partnerski odnos poboljšao poslovni ambijent



Udruženje poslodavaca Federacije Bosne i Hercegovine predstavilo je na današnjoj konferenciji za novinare inicijativu upućenu Vladi Federacije BiH o održavanju tematske i zajedničke sjednice posvećene rasterećenju

privrede i poboljšanju poslovnog ambijenta, te tematske sjednice oba doma Parlamenta FBiH o istim temama.

„Tematska i zajednička sjednica Vlade FBiH, odnosno, tematska sjednica oba doma Parlamenta FBiH posvećena rasterećenju privrede i poboljšanju poslovnog ambijenta,

prijedloga.

„Ovih šest inicijativa smo ranije uputili političkim strankama, a sada smo ih dostavili Vladi i Parlamentu FBiH s ciljem da se omogući socijalnim partnerima učešće u izradi i donošenju svih zakona i podzakonskih akata koji su od interesa za poslodavce. Dostavili smo inicijative za izmjene i dopune Poslovnika Vlade FBiH, Poslovnika Zastupničkog doma Parlamenta FBiH, Poslovnika Doma naroda Parlamenta FBiH kojima želimo osigurati da predstavnik poslodavaca učestvuje, bez prava odlučivanja, u izradi i donošenju zakona koji su u interesu poslodavaca. Također smo dostavili primjedbe u formi amandmana na Prijedlog uredbe o procjeni uticaja propisa, inicijativu za izmjene i dopune Pravila i postupaka za izradu zakona i drugih propisa FBiH te zahtjev za formiranje koordinacionog tijela za parafiskalne namete u FBiH" istakao je direktor UPFBiH Mladen Pandurević.

UPFBiH uputilo je Vladi FBiH i Parlamentu FBiH 24 teksta izmjena i dopuna postojećih ili prijedloga novih zakona, sa zahtjevom da se razmatraju po hitnoj proceduri.

„Smatramo da bi usvajanje tekstova zakona koje smo dostavili Vladi i Parlamentu FBiH predstavljalo veliki korak u pravcu rasterećenja privrede i poboljšanja poslovnog ambijenta" kazao je Pandurević.

Pet hitnih izmjena i dopuna zakona koje su Vladi i Parlamentu FBiH dostavljene sredinom 2018. odnose se na zakone o zdravstvenom osiguranju, o fiskalnim sistemima, privatizaciji preduzeća, profesionalnoj rehabilitaciji, osposobljavanju i

zapošljavanju lica s invaliditetom i cestovnom prometu. Usvajanjem ovih izmjena i dopuna poslodavcima u FBiH bi u značajnoj mjeri bilo olakšano poslovanje, a ne bi dovelo u pitanje finansiranje budžeta i fondova. Iz UPFBiH su naveli da imaju obećanja da bi već na narednoj sjednici Zastupničkog doma Parlamenta FBiH izmjene i dopune ovih zakona mogle biti razmatrane.

Među 19 prijedloga, UPFBiH je pripremio novi tekst zakona o finansijskom poslovanju, registraciji privrednih društava, stečaju, zaštiti na radu, štrajku, mirnom rješavanju sporova, posredovanju u zapošljavanju i socijalnoj sigurnosti nezaposlenih osoba, porezu na dohodak sa analizom, doprinosima sa analizom, porezu na dobit, računovodstvu i reviziji, federalnim administrativnim taksama i Tarifi federalnih administrativnih taksi te o Ekonomsko-socijalnom vijeću (ESV) FBiH.

Također su pripremljene izmjene i dopune Zakona o zdravstvenom osiguranju, Zakona o profesionalnoj rehabilitaciji, osposobljavanju i zapošljavanju osoba sa invaliditetom, Zakona o privrednim društvima, Zakona o privatizaciji, Zakona o fiskalnim sistemima te izmjene Zakona o cestovnom prevozu.

Poslodavci će Vladi i Parlamentu FBiH dostaviti 24 teksta zakona s ciljem poboljšanja poslovnog ambijenta

Upravni odbor Udruženja poslodavca Federacije Bosne i Hercegovine 07. marta jednoglasno je usvojio zaključak da će zatražiti održavanje posebne tematske sjednice Vlade FBiH sa UPFBiH, kao i zajedničke tematske sjednice oba doma Parlamenta FBiH i UPFBiH. Na tim tematskim sjednicama bi se razmatrala 24 teksta zakona, koje je pripremilo UPFBiH.

Također, na zajedničkim tematskim sjednicama bi trebalo biti razmatrano šest inicijativa ranije upućenih Vladi i oba doma Parlamenta, a koje se odnose na direktno uključivanje socijalnih partnera u izradu zakonskih prijedloga. Na ovaj način UPFBiH daje konkretni doprinos poboljšanju poslovnog ambijenta u cilju rasterećenja privrede i uklanjanja prepreka za brži rast i razvoj.



Ukoliko u narednih mjesec dana ne bude formirana Vlada FBiH, UPFBiH će kroz razgovore sa predstavnicima parlamentarnih stranaka raditi na tome da se tekstovi

zakona uvrste na dnevni red neke od narednih sjednica Zastupničkog i Doma naroda Parlamenta FBiH, od strane ovlaštenih predлагаča.

Upravni odbor UPFBiH je usvojio zaključak da se produži mandat pregovaračkom timu za vođenje pregovora i zaključivanje kolektivnog ugovora za djelatnost hemije i nemetala, dok nije produžen mandat pregovaračkom timu za vođenje pregovora za kolektivni ugovor za djelatnost finansija.

Upućene prijedbe na Uredbu o postupku prijema u radni odnos u javnom sektoru u FBiH

Udruženje poslodavaca FBiH uputilo je u više navrata Ministarstvu rada i socijalne politike FBiH i Vladi FBiH primjedbe na Uredbu o postupku prijema u radni odnos u javnom sektoru. Sve primjedbe Udruženja su usvojene u potpunosti, osim primjedbe na Tačku a, Člana 5., a koji se odnosni na pitanje otkaza sa ponudom izmijenjenog ugovora o radu.

Naime, Udruženje poslodavaca FBiH je zahtjevalo da se ovaj član izmjeni, a kako bi omogućio internu fluktaciju radnika bez provođenja postupka javnog oglašavanja. Iz Udruženja smatraju da izuzetak od obaveze javnog oglašavanja u slučaju otkaza sa ponudom izmijenjenog ugovora o radu za radno mjesto koje podrazumijeva samo iste uslove u pogledu strčne spreme i radnog iskustva, otežava tehnološki proces rada i spriječava način rada, pogotovo na radnim mjestima iz tehnološkog procesa rada.

Vlada FBiH je podržala primjedbe Udruženje, ali iz Udruženja poslodavaca FBiH ističu da su iznenađeni ponašanjem predstavnika Ministarava rada i socijalne politike FBiH koji su odbijali saradnju.

Udruženje poslodavaca FBiH će nastaviti sa aktivnostima izmjene pomenutog člana.

UPFBiH: Primjena člana 5. Uredbe o postupku prijema u radni odnos u javnom sektoru u FBiH stvorit će velike probleme javnim preduzećima

Udruženje poslodavaca Federacije Bosne i Hercegovine neprijatno je iznenađeno sadržajem Uredbe o postupku prijema u radni odnos u javnom sektoru u FBiH, koju je na prijedlog Ministarstva za rad, socijalnu politiku Federacije BiH, donijela Vlada FBiH.

Naime, iako je u saopćenju Ministarstva o usvajanju Uredbe, koje je objavljeno na web stranici Vlade FBiH, navedeno „Tako je predviđeno da se izuzetno, bez provedene procedure javnog oglašavanja, prijem u radni odnos može izvršiti u slučaju otkaza, s ponudom izmijenjenog ugovora o radu u skladu sa odredbom člana 107. Zakona o radu”, u tekstu usvojene Uredbe objavljenom u Službenim novinama FBiH 27.02.2019. godine, u članu 5. se izričito traži javno oglašavanje, što je u direktnoj suprotnosti sa članom 107. Zakona o radu FBiH.

Naime, članom 5. usvojene Uredbe nije riješeno ključno pitanje mogućnosti primjene člana 107. Zakona o radu, koji tretira otkaz ugovora o radu sa ponudom ugovora o radu sa izmijenjenim uslovima, bez provođenja javnog konkursa, nego se traži procedura javnog oglašavanja.



Iz UPFBiH ističu da će ukoliko se Uredba ne uskladi sa članom 107. Zakona o radu FBiH, javna preduzeća i preduzeća sa više od 50 posto državnog kapitala imati veliki problem u njenoj provedbi. Kada je u pitanju konkurentnost javnih preduzeća, od suštinske je važnosti omogućiti efikasnu fluktuaciju radnika unutar preduzeća, bez provođenja postupka javnog oglašavanja. Zbog toga je neophodno pronaći rješenje koje se može primjeniti u praksi, kao što je to urađeno u zemljama regionala i većini zemalja članica Evropske unije.

Također, Ministarstvo za rad i socijalnu politiku FBiH nije u izradu Uredbe uključilo poslodavce kao socijalnog partnera, što mu je bila obaveza i na svaki način je opstruiralo socijalni dijalog. Takav odnos u UPFBiH smatraju neprihvatljivim. Iz UPFBiH ističu da su do radnog teksta Uredbe došli ponajprije zahvaljujući korektnoj saradnji kabineta premijera FBiH i sekretarijatom Vlade FBiH.

Zbog toga je UPFBiH zatražilo od Vlade FBiH da hitno pristupi izmjenama i dopunama Uredbe.

Edukacijsko-konsultativni sastanci poslodavaca sa predstvincima Elektroprivrede BiH

Udruženje poslodavaca FBiH u saradnji sa JP Elektroprivredom BiH u narednom periodu, u sedam lokalnih centara Federacije BiH, organizuje edukacijsko-konsultativne sastanke sa poslodavcima, a kako bi se podijelile informacije o tržišnom snabdijevanju električnom energijom i aktuelnim trendovima na tržištu. Sastanci će se održati u Zenici, Tuzli, Travniku, Jablanici, Gračanici, Bihaću i Sarajevu.

Edukaciju bi držali zaposlenici Sektora za snabdijevanje, a istoj bi ispred EPBiH učestvovali i izvršni direktor za snabdijevanje i trgovinu, rukovodilac Sektora za snabdijevanje sa saradnicima, direktor podružnice i rukovodilac djelatnosti snabdijevanja sa saradnicima.

Na sastancima će se razgovarati o tržišnom snabdijevanju električnom energijom i aktuelnim trendovima na tržištu, sigurnosti napajanja, strukturi cijene električne energije i kretanje na tržištu, cjeni električne energije za domaćinstva i nadležnosti operatora sistema, a sa ciljem postizanje boljeg razumijevanja tržišta električne energije, ali i izgradnja partnerskih odnosa između JP Elektroprivrede BiH i članova Udruženja poslodavaca FBiH.

U Zenici održan prvi edukacijsko-konsultativni sastanak predstavnika UPFBiH sa područja ZDK i JP Elektroprivrede BiH

Udruženje poslodavaca Federacije Bosne i Hercegovine i Javno preduzeće Elektroprivreda Bosne i Hercegovine organizirali su 20. marta edukacijsko-konsultativni sastanak predstavnika JP EPBiH sa poslodavcima sa područja Zeničko-dobojskog kantona. Cilj sastanka je informiranje predstavnika kompanija o tržišnom snabdijevanju električnom energijom i aktuelnim trendovima na tržištu, te unaprijedili poslovno-partnerski odnosi između članica UPFBiH i Elektroprivrede BiH.

Edukacijsko-konsultativni sastanci nakon Zenice održat će se i u Travniku, Tuzli, Jablanici, Bihaću, Goraždu, Sarajevu na kojima će predstavnici privatnih i javnih kompanija moći direktno sa predstavnicima JP EPBiH razmijeniti stavove i iskustva o tržištu električne energije, ali i dogovorati modalitete mogućih partnerstava i saradnje.

„Udruženje poslodavaca FBiH organiziranjem ovih edukacijsko-konsultativnih sastanaka želi upoznati svoje članice sa najnovijim trendovima i uvjetima na tržištu električne energije u BiH. Na ovaj način želimo potaknuti saradnju poslodavaca i EPBiH u pravcu zajedničkog djelovanja na rješavanju svih potencijalnih i postojećih problema koji se javljaju ili mogu javiti u snabdijevanju električnom energijom. Zahvaljujemo JP EPBiH čije je rukovodstvo prepoznalo značaj ovakvog načina djelovanja i pobližeg upoznavanja njihovih najvećih korisnika sa stanjem i trendovima na tržištu električne energije", istaknuli su iz Udruženja poslodavaca FBiH.

JP Elektroprivreda BiH na području Zeničko-dobojskog kantona ima oko 137.000 kupaca od čega su krajem prošle godine njih 2.446 bili tržišni kupci, odnosno, oni koji su dobrovoljno izabrali snabdjevača. Oko 125.000 kupaca na području ZDK su domaćinstva, a ostalo čine kompanije, privredna društva, institucije, obrti itd.

JP Elektroprivreda BiH kao najveći proizvođač električne energije u BiH sa godišnjom proizvodnjom višom od 7000 GWh, edukacijskim ciklusom čija provedba je planirana u sedam gradova na području FBiH koje je u nadležnosti JP Elektroprivreda BiH, nastoji učvrstiti i unaprijediti poslovne odnose sa svojim dugogodišnjim kupcima u uslovima otvorenog tržišta električne energije i ponuditi informacije o mogućnostima uspostave poslovne saradnje sa potencijalnim partnerima.

„Predstavnici JP Elektroprivreda BiH su u kontekstu dešavanja posljednjih nekoliko mjeseci, a u vezi sa ugovaranjem snabdijevanja električnom energijom, predstavnicima privrednih subjekata sa područja Zeničko-dobojskog kantona, predstavili osnovne postulate snabdijevanja u novim okolnostima koje podrazumijeva otvoreno tržište električne energije. U razgovoru sa privrednicima tretirani su modaliteti međusobne saradnje i načini za njihovo unaprijeđenje s ciljem obezbjeđenja kvalitetnijih uslova za funkcionisanje na otvorenom tržištu”, kazala je Midheta Kurspahić, portparol JP Elektroprivreda BiH.

Edukacijski ciklus za privrednike koji organizira Elektroprivreda BiH zajedno sa Udruženjem poslodavaca jedan je od vidova društveno odgovornog djelovanja kompanije, kojim se podstiču procesi od općeg interesa i značaja za ekonomski napredak društva u cjelini.

Privrednici sa područja SBK i predstavnici JP Elektroprivreda BiH o tržišnom snabdijevanju električnom energijom



Udruženje poslodavaca FBiH i JP Elektroprivreda BiH organizirali su 28. marta 2019. godine u Travniku edukacijsko-konsultativni sastanak predstavnika JP

EPBiH sa poslodavcima sa područja Srednjobosanskog kantona. Cilj sastanka je predstaviti predstavnicima kompanija osnovne informacije o tržišnom snabdijevanju električnom energijom i aktuelnim trendovima na tržištu, kao i razmotriti mogućnosti unapređenja poslovno-partnerskih odnosi između članica UPFBiH i Elektroprivrede BiH.

„Današnji sastanak u Travniku, kao i prethodni u Zenici, pokazao je da su ovakvi susreti i razmjena informacija korisni kako za članice Udruženja poslodavaca FBiH, tako i za predstavnike JP Elektroprivreda BH. Na ovim sastancima i jedni i drugi dobijaju precizne i tačne informacije, u prilici su direktno otkloniti određene nesporazume i uvezati se kako bi u budućnosti direktno sarađivali i brže i efikasnije rješavali sva otvorena pitanja. Predstavnici kompanija posredovanje UPFBiH, od sada se direktno

mogu obraćati JP Elektroprivreda BH sa upitima i dobiti odgovor u najbržem mogućem roku. Organiziranjem ovih edukacijsko-konsultativnih sastanaka želimo upoznati svoje članice sa najnovijim trendovima i uvjetima na tržištu električne energije u BiH. Na ovaj način želimo potaknuti saradnju poslodavaca i EPBiH u pravcu zajedničkog djelovanja na rješavanju svih potencijalnih i postojećih problema koji se javljaju ili mogu javiti u snabdijevanju električnom energijom. Zahvaljujemo JP EPBiH čije je rukovodstvo prepoznalo značaj ovakvog načina djelovanja i pobliže upoznavanja njihovih najvećih korisnika sa stanjem i trendovima na tržištu električne energije", istaknuli su iz Udruženja poslodavaca FBiH.

JP Elektroprivreda BiH na području Srednjobosanskog kantona ima oko 59.000 kupaca od čega su krajem prošle godine njih hiljadu bili tržišni kupci, odnosno, oni koji su dobrovoljno izabrali snabdjevača. Oko 53.000 kupaca na području SBK su domaćinstva, a ostalo čine kompanije, privredna društva, institucije, obrti itd.

„Predstavnici JP Elektroprivreda BiH su u kontekstu dešavanja posljednjih nekoliko mjeseci, a u vezi sa ugovaranjem snabdijevanja električnom energijom, predstavnicima privrednih subjekata sa područja SBK, predstavili osnovne postulate snabdijevanja u novim okolnostima koje podrazumijeva otvoreno tržište električne energije. U razgovoru sa privrednicima tretirani su modaliteti međusobne saradnje i načini za njihovo unaprijeđenje s ciljem obezbjeđenja kvalitetnijih uslova za funkcionisanje na otvorenom tržištu", kazala je Midheta Kurspahić, portparol JP Elektroprivreda BiH.

Obavljenje konsultacije sa predstavnicima Obrtničke komore KS za projekat „Izrada i promocija Vodiča za samozastupanje za mikro, male i srednje kompanije“

Udruženje poslodavaca FBiH i Asocijacija demokratske inicijative, sprovode projekat „Izrada i promocija Vodiča za samozastupanje za mikro, male i srednje kompanije“ koji finansira Svjetska banka.



U okviru Projekta, predviđeno je konsultovanje sa relevantnim predstavnicima privrednih i obrtničkih komora, a u vezi pristupa, strukture, ključnih poruka, sadržaja i stila Vodiča. S tim u vezi, direktor i sekretar Udruženja poslodavaca FBiH Mladen Pandurević i Mersiha Jusić su 04. marta 2019. godine razgovarali sa predsjednikom Obrtničke komore KS Naserom Idrizagićem, sekretarom Kenanom Isanovićem i predsjednikom UO OKKS Adnanom Jusićem.

Predstavnici Obrtničke komore KS su kazali da su najveći problemi sa kojima se susreću poslodavci, odnosno obrtnici prilikom pristupa privredi nedovoljno poznавање pravnih okvira, finansijska nemogućnost angažovanja advokata obzirom da su troškovi sporova

previšoki, spora, duga i neefikasna naplata potraživanja, pravna nesigurnost, kao i činjenica da od Obrtničke komore nemaju adekvatnu pravnu pomoć.

Udruženje poslodavaca FBiH će zaključke sa konsultativnih sastanaka dostaviti Asocijaciji demokratske inicijative sa ciljem pripreme Vodiča za samozastupanje za mikro, male i srednje kompanije.

Zaključci sa sastanaka sa predstavnicima privrednih i obrtničkih komora bit će korišteni za izradu Vodiča za samozastupanje za mikro, male i srednje kompanije

U okviru Projekta „Izrada i promocija Vodiča za samozastupanje za mikro, male i srednje kompanije“ predviđeno je obavljanje konsultativnih sastanaka sa predstavnicima privrednih i obrtničkih komora, a kako bi se prikupile informacije za Vodič, odnosno, pripremio sadržaj, strukturu i ključne poruke.

Direktor i sekretar Udruženja poslodavaca FBiH Mladen Pandurević i Mersiha Jusić su 04. marta 2019. godine održali sastanak sa direktoricom Centra za razvoj poduzetništva i poslova sa inozemstvom Privredne komore KS Muberom Kadrić.

„Promblemi sa kojima se susreću poslodavci uglavnom se odnose na dužinu trajanja privrednih sporova, loša zakonska rješenje, nemogućnost naplate potraživanja i nepovjerenje prema mirnom rješavanju sporova, odnosno, privrednici se rijetko odlučuju na arbitražu i medijaciju“, istakla je Kadrić.

Održane grupne konsultacije i tri fokus grupe za Projekat „Izrada i promocija Vodiča za samozastupanje za mikro, male i srednje kompanije“

Udruženje poslodavaca FBiH je 11. marta 2019. godine u Sarajevu organizovalo konsultacije sa predstvincima malih i srednjih preduzeća, a u vezi projekta „Izrada i promocija Vodiča za samozastupanje za mikro, male i srednje kompanije“. Konsultacije je vodila direktorka ADI-a i vođa Projekta Snježana Ivandić Ninković.



Učesnici na konsultacijam su dali svoje komentare na okvirni sadržaj Vodiča, a koji je pripremio pravni ekspert. Smatrali su da je potrebno detaljnije opisati osnovne pojmove parničkog postupka, sastavne elemente tužbe, te posljedice nedostavljanja odgovora na tužbu. Tokom konsultacija najviše vremena je posvećeno dijelu koji se odnosi na ročišta na sudu, te je zatraženo da se u Vodič uvrsti detaljna objašnjenja vezano za pripremna ročišta i tok ročišta. Također, učesnici na konsultacijama predložili su da se posebno objasne advokatski troškovi.

Također, održane su tri fokus grupe u Travniku, Zenici i Sarajevu gdje je učestvovalo više od 50 poslodavaca. Zaključci sa fokus grupa bit će korišteni za pripreme Vodiča za samozastupanje za mikro, male i srednje kompanije.

UO UPKS razmatrao inicijative za rasterećenje privrede i poboljšanje poslovnog ambijenta u KS uoči tematske sjednice Vlade KS



Uoči tematske sjednice Vlade Kantona Sarajevo na kojoj će prisustvovati i delegacija Udruženja poslodavca KS, Upravni odbor Udruženja poslodavaca KS je

razmatrao inicijative za rasterećenje privrede i poboljšanje poslovnog ambijenta ovom kantonu. Navedene inicijative se odnose na formiranje koordinacionog tijela za parafiskalne namete u KS, donošenje Uredbe o procjeni uticaja propisa, zatim izmjene i dopune Poslovnika o radu Skupštine Kantona Sarajevo, Poslovnika o radu Vlade KS te inicijativa za uključivanje reprezentativnih socijalnih partnera na području Kantona Sarajevo u upravna na tijela i programske savjete.

Inicijative su operacionalizacija dokumenta „Šta poslodavci očekuju od nove vlasti u Kantonu Sarajevo“ dostavljenog političkim strankama koje učestvuju u radu Skupštine Kantona Sarajevo i u skladu su sa programskim dokumentom političkih stranaka koje

čine većinu u Vladi i Skupštini KS „Sporazum o prioritetima skupštinske većine u Kantonu Sarajevu u mandatu 2018.-2022.“

Uspostavljanje Koordinacionog tijela za ukidanje i smanjenje parafiskalnih nameta je jedna od inicijativa Udruženja poslodavaca KS, a ovo tijelo bi radilo na koordinaciji između Vlade KS, Ministarstva finansija KS, Udruženja poslodavaca KS sa svim drugim tijelima i institucijama, zatim analizi opravdanosti prijedloga za racionalizaciju, ukidanje ili uvođenje pojedinih parafiskalnih nameta, ažuriranju registra parafiskalnih nameta te izradi zakona o parafiskalnim nametima i analiza njegove primjene.

Poslodavci su pokrenuli inicijativu o donošenju Uredbe o procjeni uticaja propisa. Uredba predviđa da se uradi analiza o potrebi za donošenjem novog ili izmjenama i dopunama postojećeg propisa. Odluke bi se donosile na osnovu dokaza i prikupljenih relevantnih podataka koji će poslužiti kao smjerenice za odabir najboljeg rješenja za donošenje propisa ili za poduzimanje nenormativnih aktivnosti i mjera.

Inicijativom za izmjene i dopune Poslovnika o radu Skupštine Kantona Sarajevo, Udruženje poslodavaca KS predlaže imenovanje predstavnika reprezentativnih socijalnih partnera u radna tijela Skupštine KS, pri čemu bi imenovani članovi imali pravo učešća u raspravi bez prava odlučivanja.

Iz Udruženja poslodavaca KS traže donošenje izmjena i dopuna Poslovnika o radu Vlade KS, kojima bi Vlada prije usvajanja godišnjeg programa rada Vlade pribavila mišljenje reprezentativnih socijalnih partnera na području Kantona Sarajevo o sadržaju programa i planiranim aktivnostima.

Vladi i Skupštini KS iz UPKS se upućuje i inicijativa o uključivanju reprezentativnih socijalnih partnera u upravna tijela i programske savjete javnih preduzeća i institucija u kojima postoji interes socijalnih partnera. U inicijativi Udruženja poslodavca KS se navodi da je prioritet da se socijalni partneri uključe u rad Univerziteta u Sarajevu i pojedinih fakulteta, Agencije za privatizaciju KS, Televizije Kantona Sarajevo, Kantonalnog zavoda za zdravstveno osiguranje i Kantonalnog zavoda za zapošljavanje. Kako navode iz Udruženja poslodavaca KS ove inicijative predstavljaju osnovu za kvalitetnije uključivanje poslodavaca u donošenje zakonskih propisa čije donošenje utiče na poslovni ambijent i uvjete za razvoj biznisa na području Kantona Sarajevo.

Inicijative UPKS:

- [Inicijativa za donošenje uredbe o procjeni propisa](#)
- [Inicijativa za formiranje koordinacionog tijela za parafiskalne namete u KS](#)
- [Inicijativa za izmjene i dopune Poslovnika o radu Vlade KS](#)
- [Inicijativa za izmjene i dopune Poslovnika Skupštine KS](#)
- [Inicijativa za uključivanje reprezentativnih socijalnih partnera na području KS](#)

Vlada KS i Udruženje poslodavaca KS: Parafiskalni nameti koće privredni rast i nove investicije



Vlada Kantona Sarajevo održala je 28. marta 2019. godine prvu tematsku sjednicu koja je na dnevnom redu imala pet inicijativa

Udruženja poslodavaca Kantona Sarajevo. One obuhvataju mjere i iskorake koje je potrebno zajednički poduzimati u cilju ekonomskog rasta, smanjena sive ekonomije, povećanja zaposlenosti i privlačenja investicija.

"Ova Vlada želi da pomogne onim ljudima koji poduzimaju poslovne rizike, zapošljavaju veliki broj ljudi pune naše budžete iz kojih se plaća zdravstvo, školstvo kao i plate svih nas koji radimo u upravi i javnom sektoru", istakao je premijer Kantona Sarajevo Edin Forto.

Uz zahvalnost Vladu na sazivanju sjednice o, za njih, posebno važnim temama, predsjednik Udruženja poslodavaca KS Safudin Čengić naglasio je da je ovo prvi put da se Vlada na ovako direktni način uključuje u rješavanje nagomilanih problema i stvaranje boljeg poslovnog ambijenta.

"Raduje nas činjenica da se naš dokument očekivanja od nove vlasti podudara sa programskim ciljevima ove Vlade i Skupštine. Današnja sjednica je pokazala da postoji spremnost Vlade da konkretne prijedloge pretvori u djela", poručio je Čengić.

Nijaz Skenderagić, iz ovog Udruženja, ocjenio je ovu sjednicu kao atipičnu za ljudе iz poslovne zajednice te da je poslana poruka da postoje strukture vlasti koje žele pružiti ruku svim potencijalnim domaćim i stranim investitorima.

Jedan od zaključaka ove sjednice je formiranje koordinacionog tijela koje će baviti parafiskalnim nametima u Kantonu Sarajevo, a koje poslodavci ističu kao poseban teret u svom poslovanju i koji utiče na smanjenu konkurentnost domaće privrede. Uz predstavnike Udruženja poslodavaca, na analizi, racionalizaciji, smanjenju ili ukidanju pojedinih nameta radit će i predstavnici ministarstava privrede, finansija i komunalne privrede.

Prihvaćen je prijedlog Udruženja da se poslodavci uključe u izradu programa rada Vlade, a prema Skupštini smo uputili inicijativu za njihovo uključivanje u radna tijela Skupštine Kantona.

Vratiti uspjeh u Sarajevo, kako ističe ministar finansija Amel Kovačević, želja je i namjera ove Vlade. Uspješni poslovni ljudi su dobri partneri za to jer svojim znanjem, iskustvom i resursima mogu, uz adekvatne propise i zakone, osigurati uslove boljeg poslovnog ambijenta.

Iz Ministarstva komunalne privrede najavljaju reviziju cijena svih komunalnih usluga, a to je jedan od važnih problema koji dotiče i poslodavce i velike industrijske firme.

"Svi želimo raditi na transparentan način, poslodavce ćemo uključiti u to. Neće se više cijene donositi samo u interesu ministarstava i javnih firmi već želimo da rasteretimo realni sektor tako velikih komunalnih nameta. Otvorit ćemo dijalog i sa individualnim potrošačima kako bi došli do optimalnih rješenja" poručio je ministar komunalne privrede i infrastrukture Srđan Mandić.

Kako je istakao ministar privrede Haris Bašić, adresiranje parafiskalnih nameta početak je procesa koji će zajednički dovesti do ideja i programa u stvaranju boljeg ekonomskog ambijenta i koji neće nikoga oštetiti, nego funkcionalno unaprijediti sistem.

Partnerski odnos Vlade KS i Udruženja poslodavaca KS u rasterećenju privrede i poboljšanju poslovnog ambijenta u Kantonu Sarajevo

Udruženje poslodavaca Kantona Sarajevo izražava zadovoljstvo prihvatanjem njihovih inicijativa od strane Vlade Kantona Sarajevo na održanoj tematskoj sjednici Vlade posvećenoj rasterećenju privrede i poboljšanju poslovnog ambijenta. Udruženje poslodavaca Kantona Sarajevo je aktivno učestvovalo u pripremi ove tematske sjednice.

Podsjećamo da je početkom marta Udruženje poslodavca uputilo inicijative premijeru Vlade KS Edinu Forti i predsjedavajućem Skupštine KS Elmedinu Konakoviću za formiranje koordinacionog tijela za parafiskalne namete u KS, donošenje Uredbe o procjeni uticaja propisa, zatim izmjene i dopune Poslovnika o radu Skupštine Kantona

Sarajevo, Poslovnika o radu Vlade KS te inicijativa za uključivanje reprezentativnih socijalnih partnera na području Kantona Sarajevo u upravna tijela i programske savjete.

„Zahvaljujemo premijeru Forti i svim ministrima u Vladi Kantona Sarajevo koji su prihvatili sve naše inicijative upućene Vladi KS. Na ovaj način su pokazali spremnost na partnerski odnos sa socijalnim partnerima i zajedničko djelovanje u pravcu rasterećenja privrede i poboljšanja poslovnog ambijenta. Inicijative koje je UPKS predložilo, a Vlada KS prihvatala će sigurno doprinijeti da Kanton Sarajevo, ali i država u cjelini u narednom periodu imaju još bolje uvjete za poslovanje, investiranje, otvaranje novih radnih mesta, smanjenje sive ekonomije i crnog tržišta. A svima nam je zajednički interes da Kanton Sarajevo postane još privlačnija destinacija za poslovanje, bolji i kvalitetniji život svih njegovih stanovnika. Prihvaćeni set inicijativa je prvi koprak a Udruženje poslodavaca KS već ima pripremljen i drugi set inicijativa koji će narednom periodu uputiti prema Vladi Kantona Sarajevo ", istaknuo je predsjednik UPKS Safudin Čengić.



UPKS priprema inicijativu za izmjenu Zakona o šumama KS

Direktor Udruženja poslodavaca KS Zlatan Dedić i pravnica Jasmina Kurspanić održali su 20. marta 2019. godine sastanak sa v.d. direktora Uprave za šumarstvo KS Kemalom Starogorčićem i stručnim sasvjetnikom za uzgoj i zaštitu šuma Uprave za šumarstvo KS Seadom Alićem, a u vezi sa naknadom za općekorisne funkcije šuma.

Prema trenutnom važećem Zakonu o šumama u KS pomenutu naknadu plaćaju sva pravna lica registrirana za obavljanje djelatnosti na području Kantona kao i dijelovi pravnih lica čije je sjedište van Kantona, a obavljaju djelatnost na području Kantona.

Predstavnici Udruženja poslodavaca KS naglasili su da su svjesni značaja neophodnosti ulaganja u šume Kantona Sarajevo, te da inicijativa koju priprema UPKS ne predviđa ukidanje niti smanjenje naknade, već promjene obaveznika plaćanja nakande i osnovica za obračun iste. Smatraju da je ovo još jedan u nizu parafiskalnih nameta i opterećenja za poslodavce, te da općekorisne funkcije šuma predstavljaju javno dobro od općeg interesa za sve građane, a ne samo za poslodavce.

Predstavnici Uprave za šumarstvo podržali su inicijativu Udruženja poslodavaca KS, te će se u narednom periodu sačiniti inicijativa za izmjenu Zakona o šumama KS i uputiti nadležnim institucijama.

Njemačka inicijativa za pronalaženje dobavljača u zemljama Zapadnog Balkana 2019

Predstavništvo njemačke privrede u BiH, njemačke Vanjskotrgovinske komore u zemljama Zapadnog Balkana (AHK), kao i njemačko Udruženje za upravljanje materijalima, uvoz i logistiku (BME e.V.), vas pozivaju da budete dio regionalnog B2B projekta - Njemačka inicijativa za pronalaženje dobavljača u zemljama Zapadnog Balkana 2019

Mjesto održavanja: Dortmund, SR Njemačka (Industrijsko-trgovinska komora u Dortmundu)

Datum održavanja: 06.06.2019. godine

Cilj projekta je da se u okviru jednodnevnog događaja odabранe kompanije iz Bosne i Hercegovine i zemalja Zapadnog Balkana sastanu sa njemačkim firmama koje traže dobavljače roba i usluga iz traženih djelatnosti poslovanja. Zainteresovane njemačke kompanije dolaze pretežno iz metaloprerađivačkog sektora, dobavljačkog sektora za autoindustriju, sektora prerade i proizvodnje materijala od plastike, kao i elektro i elektronskog sektora.

Koncept projekta se bazira na B2B-matchmaking platformi:

- Inicijalna pedeset dva (52) profila zainteresovanih njemačkih kompanija se nalazi u

prilogu dopisa, sa opisima djelatnosti kompanija i konkretnim proizvodnim zahtjevima koji su upućeni firmama u zemljama Zapadnog Balkana. U profilima njemačkih kompanija se navodi šta sve firma, tj. proizvođač iz regiona treba da ima u svom proizvodnom portfoliju kako bi se kvalifikovao za potencijalnu saradnju.

- Svoju zainteresovanost za učešće u projektu ostvarujete kroz popunjavanje prijavnog formulara koji se također nalazi u prilogu ovog dopisa.

- Pristigle prijave se šalju njemačkim kompanijama na uvid koje kroz sistem ocjenjivanja biraju firme s kojima žele da održe sastanak na događaju u Dortmundu ove godine.

- Važna napomena: ukoliko profili kompanija iz Zapadnog Balkana ne odgovaraju potrebama njemačkih kompanija, oni mogu da odustanu od učešća na događaju u Dortmundu.

Ukoliko ste se prepoznali kao potencijalni dobavljač neke od njemačkih kompanija, pozivamo vas da popunite prijavni formular i pošaljete ga na e-mail: sanjin.purgic@ahk.ba najkasnije do 29.03.2019. godine.

Događaj se realizuje pod pokroviteljstvom Ministarstva za privredu i energiju SR Njemačke u okviru Programa za razvoj stranih tržišta za mala i srednja preduzeća SR Njemačke.

Dodatne napomene:

- Prijavni formular se popunjava na engleskom jeziku, a popunjavaju se samo predviđena polja za odgovore u koloni B.
- Prijavni formular mora biti dostavljen u Excel formatu.

- Službeni jezik na B2B događaju je engleski, tj. B2B sastanci će se odvijati na engleskom jeziku (opcionalno njemačkom jeziku).
- Broj mesta na B2B događaju je ograničen, tj. na događaju učestvuju samo one kompanije koje sa svojim proizvodnim programom odgovaraju potrebama njemačkih kompanija.
- Kotizacija za učešće na ovom događaju se ne naplaćuje

Samit ženskog liderskog poduzetništva za Jugoistočnu Evropu 2019.

Regionalna asocijacija poduzetnica "Poslovna žena" u saradnji sa Vanjskotrgovinskom komorom Bosne i Hercegovine, uz podršku Kantona Sarajevo, Grada Sarajeva i Turističke zajednice Kantona Sarajeva, organizira "WOMEN IN LEADERSHIP SUMMIT SEE 2019" / "SAMIT ŽENSKOG LIDERSKOG PODUZETNIŠTVA ZA JUGOISTOČNU EVROPU 2019". U okviru samita održat će se i b2b susreti bosanskohercegovačkih firmi i firmi iz zemalja regiona, koji će biti organizirani od strane Evropske preduzetničke mreže.

Samit će se održati u petak 05. aprila 2019. godine, u Hotelu Holiday, Zmaja od Bosne br. 4, u Sarajevu, sa početkom registracije u 8:45 časova.

"WOMEN IN LEADERSHIO SUMMIT SEE 2019" / "SAMIT ŽENSKOG LIDERSKOG PODUZETNIŠTVA ZA JUGOSIDTOČNU EVROPU 2019" je prvi događaj ove vrste koji će okupiti najeminentnije govornike i govornice iz politike, biznisa, akademijске zajednice i NGO sektora sa ciljem promocije ženskog liderstva u svim segmentima društva. Osnovni cilj samita je utemeljenje centralnog događaja SEE regije, koji će poslužiti kao

platforma onih društvenih promjena čiji je cilj unaprijeđenje položaja žene u društvu. Očekuje se oko 300 učesnica/ka.

Programom je predviđeno održavanje panel diskusija sa posebnim osvrtom na izazove ženskog liderstva u biznisu, ulozi žena u javnom upravljanju, kao i razmjena iskustava iz zemljama regiona o budućnosti obrazovanja.

U organizaciji Evropske preduzetničke mreže, održaće se poslovni susreti svih registrovanih učesnika.

U fokusu su sljedeći sektori privrede:

- poljoprivreda i prehrambeni sektor,
- metalo-prerađivački sektor,
- sektor turizma,
- građevinski sektor
- drvni sektor
- IT sektor, obnovljivi izvori energije, itd.

Pozivamo vas da učestvujete na konferenciji i B2B susretima u Sarajevu, gdje će poduzetnice i poduzetnici imati mogućnost da se upoznaju sa potencijalnim poslovnim partnerima. Sve informacije o b2b susretima, uključujući registraciju, detaljan program i on-line dogovaranje sastanaka, dostupne su na zvaničnoj web stranici: [http://
womenleadershipsummit.talkb2b.net](http://womenleadershipsummit.talkb2b.net)

Učešće na poslovnim susretima je besplatno, a registracija učešća je obavezna.

Rokovi:

- 28. mart 2019. godine / Krajnji rok za prijavu za učešće na samitu (prijavite se isključivo putem e-maila: registracija.summit@gmail.com)
- 01. april 2019. godine / Izaberite zanimljive profile i rezervirajte svoje B2B sastanke na web stranici: <http://womenleadershipsummit.talkb2b.net>
- 05. aprila 2019. godine / Paneli samita, zanimljivi govornici i poslovni susreti u okviru "WOMEN IN LEADERSHIO SUMMIT SEE 2019" / "SAMITA ŽENSKOG LIDERSKOG PODUZETNIŠTVA ZA JUGOISTOČNU EVROPU 2019.

Za sva dodatna pitanja i informacije, kontakt osobe:

Azra Pindžo +387 61 813 454

Lejla Hasanbegović +387 61 211 795



UDRUŽENJE POSLODAVACA

UDRUŽENJE POSLODAVACA FBiH

MULA MUSTAFE BAŠESKIJE 12/3, 71 000 SARAJEVO

TEL: 00 387 264 830

FAX: 00 387 33 552 461

MAIL: info@upfbih.ba

WEB: www.upfbih.ba